

之舉勢所難已若高其試格使不得僥倖天使迴還後即時試  
取則外方之士自度其才上來必不多矣傳曰依落○諫院啓  
曰今者以天使時儒生數少命為別試欲聚儒生遠方聞者裹  
糴全集今年非徒西北虛竭畿甸南方亦多貧乏不得已之事  
外一切除弊以示優恤之意今當農月設此不緊之舉弊甚不  
賢雖高其試格爭希僥倖亦多上來其弊則一也雖非別試成  
均館四學名付儒生不為不多學官檢舉則不進者自有其罰  
頃者習儀時儒生多聚云此亦是矣况為此取人事亦苟且請  
速命停俾勿騷擾答曰此論正合予意當更議于大臣○傳于  
三公曰諫院所啓之意當矣予觀卿等之意高其試格則儒生  
武士不至多聚云但以儒武稱名者孰有自棄其才而退在者  
乎四方艱難京師多事固知別舉之不可而有該曹之啓故不  
得不爾今聞諫院之論至當然已議之事故更議○日微暈夜  
地方異方有氣如火○已丑領議政尹殷輔議初為誕生太子既別  
舉取士今者已定天下之本而頒詔於四海其視前慶似為有加